



# LEMBAGA PENGARAH UNIVERSITI TEKNOLOGI MARA

## Jawatankuasa Kewangan dan Pembangunan

Rujukan : 100-BBI(PW B 9/4/1) (JKP 148)  
Tarikh : 11 Oktober 2006



**Pendaftar**  
Aras 3, Bangunan Canseleri  
Universiti Teknologi MARA  
40450 SHAH ALAM

Puan,

**PERMOHONAN UNTUK MENGGUNAPAKAI PEKELILING PERBENDAHARAAN  
BILANGAN 2 TAHUN 2005 YANG BERKAITAN KADAR BAYARAN SAGUHATI  
KEPADA PENSYARAH / PENCERAMAH DAN FASILITATOR SAMBILAN (2634)**

Dengan segala hormatnya pihak puan adalah dirujuk mengenai perkara di atas.

Berikut ialah petikan minit mesyuarat Jawatankuasa Kewangan dan Pembangunan ke 148 bertarikh 22 Jun 2006, yang telah disahkan pada 26 September 2006 untuk makluman dan tindakan puan selanjutnya.

### KEPUTUSAN

Jawatankuasa Kewangan dan Pembangunan meluluskan menggunakan Pekeliling Perbendaharaan Bilangan 2 tahun 2005 yang berkaitan Kadar Bayaran Saguhati kepada Pensyarah/ Penceramah dan Fasilitator Sambilan bagi:

1. Diguna-pakai Pekeliling Perbendaharaan Bilangan 2 tahun 2005 untuk bayaran:
  - 1.1 Latihan untuk staf pentadbiran bagi program anjuran JPbSM
  - 1.2 Latihan untuk staf akademik seperti Kursus Asas Metodologi Pengajaran untuk pensyarah baru, Kursus Asas Pentadbiran bagi Ketua Program yang baru dilantik dan seumpamanya yang dikendalikan oleh ILQaM (tetapi bukan syarahan berbentuk akademik).
  - 1.3 Kadar yang ditetapkan dibawah pekeliling ini tidak meliputi syarahan sambilan (akademik).
2. Diguna-pakai kadar bayaran 'Expertise' Industri/Konsultan Luar/Kepakaran Dalaman yang diluluskan oleh JKP ke-140 Agenda C 2346 berikut dalam latihan pentadbiran (JPbSM dan ILQaM):

Perkara Bayaran	Kadar (RM)
Penceramah Pakar (tempatan)	RM 400-00 sejam bagi pakar korporat dan PhD
Expertise Industri (tempatan)	RM 3,000-00 sesesi sehari
Pakar Runding Luar (tempatan)	RM 3,000-00 sesesi sehari

3. Membatalkan penggunaan kadar bayaran penceramah didalam Kursus Penilaian Tahap Kecekapan (PTK) dan lain-lain program kursus akademik dan pentadbiran anjuran ILQaM dan lain-lain bahagian di UITM yang dilulus oleh JKP 140 bertarikh 30 September 2004. Pembatalan tidak meliputi kadar bayaran kepakaran penceramah tempatan, Expertise Industri (tempatan) dan Pakar Runding (tempatan) yang dilanjutkan penggunaan melalui para 5.
4. Menurunkan kuasa untuk menimbang dan memperakukan kepakaran penceramah tempatan, Expertise Industri (tempatan) dan Pakar Runding (tempatan) kepada:
  - 4.1 Timbalan Naib Canselor (Akademik dan Pengantarabangsaan) bagi program latihan akademik.
  - 4.2 Jawatankuasa Latihan dan Pembangunan Staf bagi program latihan anjuran JPbSM.
5. Menurunkan kuasa untuk menimbang dan meluluskan kadar bayaran bagi Perunding Luar Negara kepada Naib Canselor UITM.
6. Melanjutkan penggunaan kadar bayaran honorarium bagi program yang dikendalikan dengan menggunakan Akaun Amanah seperti surat arahan Naib Canselor bil:100-UITM (NC 9/14) bertarikh 30 Januari 2004 iaitu:


Perkara Bayaran	Kadar (RM)
Penceramah (tempatan)	RM 200-00 sejam
Penceramah (biasa) Jika dibuat diluar waktu pejabat	RM 100-00 sejam
Penceramah (biasa) Jika dibuat didalam waktu pejabat dan tidak mengambil cuti rehat	RM 50-00 sejam

Kelulusan berkuatkuasa mulai 1 Julai 2006.

Sekian, untuk makluman dan tindakan tuan selanjutnya.

Yang benar,

  
**SANIP WAHID**  
 Bendahari  
 Universiti Teknologi MARA

- s.k.
1. Y.Bhg. Dato' Prof. Ir. Dr. Sahol Hamid Abu Bakar  
Timbalan Naib Canselor  
(Akademik dan Pengantarabangsaan)  
Aras 4, Bangunan Canseleri
  2. Prof Madya Dr Mohd Mustafa Mohd Ghazali  
Penolong Naib Canselor  
Institut Kepimpinan dan Pengurusan Kualiti (IPQaM)
  3. Ketua Timbalan Pendaftar, JpBSM 
  4. Timbalan Bendahari, Unit Kewangan Zon 2
  5. Penolong Bendahari, Unit Kewangan Zon 7



**KERAJAAN MALAYSIA**

**PEKELILING PERBENDAHARAAN BIL. 2 TAHUN 2005**

Semua Ketua Setiausaha Kementerian  
Semua Ketua Jabatan Persekutuan  
YB Setiausaha Kerajaan Negeri  
Semua Ketua Pengurusan Badan Berkanun  
Semua Ketua Pengurusan Pihak Berkuasa Tempatan

**PERATURAN MENGENAI KADAR-KADAR DAN SYARAT-SYARAT  
BAYARAN SAGUHATI KEPADA PENSYARAH/PENCERAMAH DAN  
FASILITATOR SAMBILAN**

Tujuan Pekeliling ini adalah untuk memaklumkan peraturan dan kadar baru mengenai bayaran saguhati kepada pegawai Kerajaan yang memberi syarahan/ceramah secara sambilan atau menjadi fasilitator sambilan dalam kursus/bengkel/majlis rasmi yang dianjurkan oleh Kementerian/Jabatan. Peraturan ini adalah bagi menggalakkan perkongsian maklumat, pengurusan pengetahuan dan pembinaan kapasiti modal sumber manusia ke arah penambahbaikan sistem penyampaian perkhidmatan yang cekap dan berkesan.

2. Semua pegawai tetap, kontrak, sementara, sambilan dan sangkut yang memberi syarahan/ceramah sambilan atau menjadi fasilitator sambilan adalah layak dibayar saguhati atas kadar seperti berikut:

Kumpulan Perkhidmatan	Kadar Bayaran Saguhati		Had Maksimum Sebulan
	Pensyarah/Penceramah Sambilan	Fasilitator Sambilan	
Kumpulan Pengurusan Tertinggi	RM300.00 sejam	RM100.00 sejam	Tidak melebihi ½ daripada gaji bulanan pegawai
Kumpulan Pengurusan & Profesional Gred 53 & 54	RM200.00 sejam	RM100.00 sejam	
Kumpulan Pengurusan & Profesional Gred 45 - 52	RM150.00 sejam	RM90.00 sejam	
Kumpulan Pengurusan & Profesional Gred 41 - 44	RM120.00 sejam	RM80.00 sejam	
Kumpulan Sokongan	RM80.00 sejam	RM60.00 sejam	

3. Kelayakan bayaran saguhati ini adalah tertakluk kepada syarat-syarat berikut:
- (i) pegawai yang memberi syarahan/ceramah atau dilantik sebagai fasilitator hendaklah mendapat kelulusan daripada Ketua Jabatannya;
  - (ii) memberi syarahan/ceramah atau menjadi fasilitator bukan merupakan sebahagian daripada tugas rasmi pegawai;
  - (iii) pegawai dari unit/institusi latihan/pengajian, maktab/institusi perguruan dan sekolah di mana tugas memberi syarahan/ceramah adalah sebahagian daripada tugas mereka, bayaran saguhati boleh dibayar sekiranya kursus/bengkel/majlis rasmi bukan dianjurkan dan bukan merupakan program jabatan/institusi/maktab/sekolah yang sama;
  - (iv) urusetia yang memberi syarahan/ceramah atau menjadi fasilitator dalam program yang dianjurkannya tidak layak bayaran saguhati di bawah Pekeliling ini;
  - (v) bayaran saguhati boleh diberi mengikut kadar setengah jam bagi setiap setengah jam yang genap sekiranya waktu syarahan/ceramah yang ditetapkan oleh penganjur kursus/bengkel/majlis rasmi melebihi satu jam; dan
  - (vi) pensyarah/penceramah/fasilitator sambilan yang diberikan cenderamata adalah tidak layak dibayar saguhati di bawah Pekeliling ini.
4. Dengan berkuatkuasanya Pekeliling ini, Pekeliling Perbendaharaan Bil. 5 Tahun 1995 dan Surat Pekeliling Perbendaharaan Bil. 1 Tahun 1996 adalah dibatalkan.
5. Tertakluk kepada penerimaannya oleh pihak berkuasa masing-masing, peruntukan Pekeliling ini dipanjangkan kepada semua Perkhidmatan Negeri, Badan Berkanun Persekutuan/Negeri dan Pihak Berkuasa Tempatan.
6. Pekeliling ini berkuat kuasa pada 1 September 2005.

Sekian, Terima Kasih

**“BERKHIDMAT UNTUK NEGARA”**

Saya yang menurut perintah,



(Dato' Izzuddin Bin Dali)  
Ketua Setiausaha Perbendaharaan  
16 Ogos 2005

s.k. Ketua Setiausaha Negara  
Akauntan Negara Malaysia  
Ketua Audit Negara